

Aruales fratres.

fratribus

**A**cca Larentia Romuli nutrix, cōsueuerat pro agris semel in anno sacrificare duodecim filiis suis sacrificium præcedentibus, unde cum unus mortuus esset, propter nutricis gratiam Romulus in uicem defuncti se succedere pollicetur, unde & ritus processit, cū duodecim iam deinceps sacrificare, & aruales dici fratres, sicut Rutilius Geminus in libris pontificalibus memorat.

Iniuges boues.

**M**Anilius Cræstus in libro, quem de deorum hymnis scribit, ait Mineruæ iniuges boues sacrificari, id est, iugum nunquam ferētes, illa uidelicet causa, quod & uirginitas iugum nesciat maritale, & uirtus nunquā sit iugo prementi subiecta.

Semones.

**S**emones dici uoluerunt deos, quos cælo nec dignos ascriberent, ob meriti paupertatem, sicut Priapus, Hippos, Vertūnus. Nec terrenos eos deputare uellent, per gratiæ uenerationem; sicut Varro in mystagorum libro ait. Semonēq; inferius derelicto Deum depinnato attolam orationis eloquio.

Blaterate.

**P**acuius in Pseudo comœdia inducit Sceparium seruum ancillę dicentem, Ni ego te blaterate aspicerem, his nūcium iudicasset. Blaterate enim quasi uerba trepidantia metu balbutire dixerunt.

Luscicii.

**L**uscitios dici uoluerunt interdium parum uidentes, quos Græci myopes uocant, unde & Plautus in Mercatoris comœdia ait: mirū lolio uisitare te tam uili tritico quia lusciciosus est. Dicunt enim quod lolium comedentibus oculi obscurentur.

Tutulus.

**V**arro in pontificalibus ait, tutulos sacerdotes dici breuium deorum. Numa uero Pompilius & ipse de pontificalibus scribēs, tutulum dici ait pallium, quo sacerdotes caput tectabant cum ad sacrificium accessissent, sicut & Vergilius ait: Et capita ante aras Phrygio uallatus amictu.

Oria.

**O**riam dicūt nauicellā modicā piscatoriam, unde & Plautus in Cacisto ait, malo huc alligari ad oriam ut semper piscetur, etsi sit tempestas maxima.

Problema.

**P**roblema est propositio in capite libri questionaliter posita, unde & Demosthenes pro Philippo ait: sed ne quid græcum te turbet exemplū, ego pro hoc tibi latinum faciam, ait enim problematis autenticum gradum tradamus astanti, cui nostra subséquens occurset oratio. Nam & Tertulianus in libro, quem de fato scripsit, ita ait, Redde huic fati primum problematis mancipatum.

Pumilio &amp; glabrior.

**A**puleius in asino aureo introducit sorores Psyche marites detrahētis, dicitq; quous uis puero pumiliorem & cucurbita glabriorem, pumilos enim dicunt molles atq; enerues. Glabrum uero leuem & imberbem.

Sutela.

**S**utelam dici uoluerūt astutiam, quasi subtilis tela, unde & Plautus in Casina ait, post scis clam me sutelis tuis eripere Casinam uxorem proinde ut postulas.

Frigutire.

**F**rigutire dicitur subtiliter adgarrere, unde & Plautus in casina ait, quid nam frigitis? & Ennius in Alcestide comœdia sic ait, hæc anus admodum frigit, nimirum fauciauit se flore liberi.

Tituillitium.

**T**ituillitium dici uoluerunt fila putrida, quæ de telis cadunt, ut Plautus in casina ait,